

bus intermixta, quæ quoniam facetiarum non expertia sunt, relatu non indigna iudicavi.

INNOMINATVS.

Pendente inter Augustum Cæsarem & M. Antonium fortuna, cuius belli neque mediocres casus erant, neque vulgaria præmia victoriæ, ingensque apud omnes gentes finis expectatio. Pauper quidam Romæ in cunctos sibi prouidens euentus, ingenium tale commentus est: omni diligentia duos coruos enutriuit, effecitque (tantum in omni re studium valet) vt dicacibus verbis alter Augustum, alter Antonium salutaret. Idem Augusto tandem victor in patriam reuertenti, salutatorem suum manu præferens occurrit, qui inter crocitantum hæc verba fundebat: Aue Cæsar, Victor, Imperator. Delectatus Augustus viginti millia nummorum loquacem volucrum comparauit: arguta quidem, sed diu præconcepta subtilitas.

ALIVS.

A Thuius socius ex tempore cõsilia accipit, socio enim ditato inuidens (neque latius apud vllum genus hominum regnat inuidia) Cæsarem adiit, obti-